

Data III. non. aug. anno dominice incarnationis millesimo L, indictione IIII, anno autem domni¹ Heinrici tercii regis secundi imperatoris ordinacionis eius XXII, regni quidem XII, imperii autem IIII. In nomine domini, actum Wrcin; feliciter amen.

2. Heinrich III. schenkt dem Erzbischof Adalbert von Bremen und seinen Brüdern Theti und Friedrich eine Besetzung in der Grafschaft des Markgrafen Theti.

Koerde (n. v. Münster) ? 1052 März 5.

f. 98v. In nomine sancte et individue trinitatis. Henricus divina favente clemencia Romanorum imperator augustus. Quanto diciores fideles nostros imperiali nostra munificencia effecimus, tanto fideliores nobis et ad nostrum servicium prompiciores non dubitamus. Quapropter omnium Christi nostrorumque fidelium tam futurorum quam presencium sollerti² industrie notum esse volumus, qualiter nos ob interventum thori ac regni nostri consortis scilicet Agnetis imperatricis auguste simulque dilectissime prolis nostre Heinrici Adalberto Premensis ecclesie archiepiscopo eiusque fratribus Theti videlicet ac Friderico, sui memores servicii, quoddam³ predium Nizalin dictum, quod in nostram proprietatem regni iure cessit, in comitatu Theti marchionis et in pago situm cum omnibus pertinenciis suis in proprium tradidimus villis areis edificiis agris pratis campis pascuis terris cultis et incultis silvis venacionibus aquis aquarumque decursibus molendinis molis piscacionibus exitibus et redditibus viis et inviis quesitis et inquirendis et cum omni iure et utilitate, que ullo modo inde poterit provenire, ea videlicet ratione, ut predictus episcopus eiusque fratres supra nominati de eodem predio amodo liberam potestatem habeant possidendi tradendi vendendi commutandi precariandi vel quidquid illis placuerit modis⁴ omnibus inde faciendi. Et ut hec nostre auctoritatis tradicio stabilis et inconvulsa omni evo permaneat, hoc preceptum inde conscriptum manu propria corroborantes sigilli nostri inpressione iussimus insigniri.

Signum domni Heinrici tercii regis invictissimi secundi Romanorum imperatoris augusti. (M.) (SMP.)

Winitherius cancellarius vice Liutpoldi⁵ archiepiscopi et archicancellarii recognovi⁶.

Data III. non. marcii anno dominice incarnationis MLII, indictione V, anno autem domni⁷ Heinrici tercii regis secundi imperatoris ordinacionis eius XXIII, regni quidem XIII, imperii autem VI. In nomine domini, actum Queride; feliciter amen.

1) 'domini' B. 2) 'sollerci' B. 3) 'quodam' B. 4) 'nobis' B.
5) 'Wipoldi' B. 6) 'recōgnoui' B. 7) 'domini' B.